

Kontuola

ANTZUOLA / Eguena / 2004ko abenduaren 23a / 227. zenbakia

2004

urteari begiratua

ANTZUOLA



Era guztietako margolanak
eta fatxaden garbiketak

Zorionak eta urte berri on!

943 76 64 07 616 277 999 Antzuola

URTARRILA



"Enpresak gehiago presionatu behar ditugu, umeak ditugun garaian erraztasun gehiago izateko"

KONTXI LASKURAIN
DENDARIA
2002-01-23

HIRIGINTZA

Hainbat proiekturen berri eman zuten jendaurrean

Udalak datozen urteetarako aurrez ikusten zituen hainbat proiektu aurkeztu zituen Jose Angel Zabalo alkateak, Joxe Joan Gonzalez de Txabarri alboan zuela. Proiektu haietako askok Jaur-laritzaren Izartu programaren laguntza jasoko zutela espero zuten Udaleko arduradunek.

Hona hemen proiektuok: gaur egungo frontoia bota eta hantxe

etxebizitzak egitea; Zupide eta Iriarte artean kiroldegia egitea; Gizarte Etxea eta gainean babes-tutako etxebizitzak eraikitzea, maristen eraikina zegoen tokian; bi bidegorri egokitzea; Uzarragako zubitik Elayra errepidea egitea, Haurreskola Partzuergoan sartzea, baserrietara edateko ura eramatea eta alde zaharra peatonalitzatzea. /2004-01-16

OTSAILA



"Gauzak aldatu egin behar dira, nahiz eta borrokatu behar izan"

IRAIA GABILONDO
IKASLEA
2002-02-13

HEZKUNTZA

Erantzukizunaren gaineko programa gurasoendako

Familian erantzukizunak banatu eta lankidetzaz sustatzeko programa bat jarri zuten abian Herri Ikastetxean; gurasoei zuzendu zieten programa hori. Euskal Herriko Unibertsitateak antolatu zuen programa hori.

Hamabost bat gurasok jardun zuten programa horretan, eta, EHUko adituen laguntzarekin, hainbat gai landu zituz-

ten: familiarterko lana, seme-alaben parte hartzea etxeko lanean, komunikazioa familian, autoritatea eta diziplina, familiako gatazkak...

Hainbat gurasoren iritzia jaso genuen; hona hemen Mirari Lamarianok adierazi ziguna: "Familia osoarendako onuragarria izango delakoan eman nuen izena programa honetan parte hartzeko". /2004-02-20



"Angelen (presoa) senideek istripua izan eta banandu egin gintuzten"

PATXI OLABARRIA
LANGILEA
2004-02-27

HIRIGINTZA

Txorikua etxea botatzen hasi ziren otsailaren 16an

Kalegoiko Txorikua etxea eraitzen hasi ziren. Sagasti eta Kalegoi batzen dituen errepidea egitea zen helburu nagusia. Aste batzuk iraun zuten etxea eraitsi eta errepidea egokitzeko lanek. Gaur egun alde zaharra eta Sagasti auzoa lotuta daude han egindako errepidearekin. /2004-02-20

ELKARTASUNA

Saharara bidaltzeko 602 kilo elikagai batu zituzten herrian

Gipuzkoako herri gehienetan bezalaxe, Antzuolan ere Sahararako elikagaiak eta dirua batzen ibili ziren, Saharar Errepublikako Arabiar Demokratikoaren Lagunen Elkarteak deituta. Olia, lekaleak, azukrea, arroza... Guz-tira, 602 kilo batu zituzten. Bestalde, 1.832 euro ere eman zizkion herriak elkarte horri. /2002-01-30

KIROLDEGIA

Kiroldegi berriaren aurreproiektua eginda dauka Udalak

Udalak urtarrilean aurkeztutako proiektuen artean, frontoia eraitea zegoen. Horretarako, kiroldegia egin beharra zegoen eta azkar egin zuten aurreproiektua. Azaldu zuten, eraikina bi mailatan eraikiko litzateke: behean hainbat kirolerako pista eta maila altuenean, frontoia, gimnasioa, aldagelak.... /2004-01-30

ELKARTASUNA

Senegalgo misiolaria herria ezagutzera etorri zitzaigun

Senegalen misiolari diharduen Montserrat Dauso kataluniarra herrian izan genuen. Azkeneko urteotan antzuolarrak ugari egon da Senegalgo Casamance eskualdean; Anelkarrek behin baino gehiagotan batu izan du dirua hara bidaltzeko. Gauzak horrela, herria ezagutzera etorri zen Montserrat. /2004-02-13



Danok-Bat elkartearen afaria egin zuten.

GAZTETXEA

Batzar orokorra egin zuten Antzuolako Gazte Asanbladak

Batzar orokorra egin zuten AGAk, eta erabaki zuten behin-behineko gaztetxearen alde egitea eta berehala proiektua egiten hastea.

Udaleko arduradunek, bestalde, zera adierazi ziguten: Udalak denerako adina diru ez daukenez, behin betiko gaztetxe izango denari emango diotela lehenetsia. /2004-02-13

Ondo pasau Gabonak!



Gabilondo-Arregi

harategia

ABELGORRI-OKELAREN EUSKO LABELA

Kalebarren 14 ANTZUOLA Tf. 943 76 62 90

TXOMIN GARAJEA



Mekanika orokorra

Tailer profesionala

IAT/ITVrako prestaketa

ZORIONAK
GUZTIO!

MARTXOA



"Nekazaritza ekologikoa gertutik ezagutzera etorri naiz Lapatzara; sei hilabete egin ditut hementxe"

INES MENDEZ
ABOKATUA ETA NEKAZARITZA EKOLOGIKOAREN IKASLEA
2004-03-05

HIRIGINTZA

Bost proiektu aurkeztu zituen Udalak, Izartu programarako

Martxoaren 22an bukatzen zen Eusko Jaurlaritzaren Izartu programarako proiektuak aurkezteko epea. Astebete lehenago egin zuten osoko bilkura, proiektu horiek onartzeko.

Batetik, Etxezuri ondoko zubitik Lizarragarako errepidearen proiektua aurkeztu zuten.

Bestetik, alde zaharreko lurzorua eta azpiegiturak berritze-proiektua onartu zuten bilkura hartan; Ibarre auzoa urbaniza-

tzeko proiektua ere proposatu zuen Udalak, batez ere, dagoen aparkaleku faltari irtenbidea emateko.

Sagasti auzoari dagokionez, berriz, hango zelaian parke bat egiteko proiektua aurkeztu zion Udalak Eusko Jaurlaritzari.

Azkenik, gizarte edo kultura etxearen proiektua eta etxebizitzak eraikitzea. Guztira, sei milioi euroko aurrekontua zuten bost proiektuok. /2004-03-26



Izartu programarako aurkeztu zuten Ibarre auzoa urbanizatzeko proiektua.

APIRILA



"Beti gazte, argal eta guapa egon biharrek lotu egitten gaitu"

AINHOA UGARTEBURU
SOZIOLOGOA
2004-04-07

AURREKONTUAK

Udalak 2.585.797 euroko aurrekontua onartu zuen

Apirileko osoko bilkuran, hilaren 2an, onartu zuen udalbatzarrak 2004ko aurrekontua; guztira, 2.585.797 euro. Iazkoaren alderatuta, %6,7 egin du behera aurrekontuak. Horren arrazoi nagusia da Etxebizitza eta Hirigintza batzordeak iaz 1.250.000 euroko aurrekontua izan zuela.

Aurrekontu osoaren %23,9 inbertsioetara bideratuko dute. Ohikoa den moduan, Etxebizitza eta Hirigintza batzordean aurrez

ikusi zituzten inbertsio handienak: 336.314 euro, hain zuzen ere.

Aurrez ikusi zituzten inbertsio aipagarrienak hauexek izan ziren: erretiratuaren egoitzarako, 6.000 euro; haurtzaindegia ireki, 170.000 euro; erreka-aren gainezkabidearendako, 85.000 euro; gizarte etxerako, 20.000 euro; gazteendako lokalerako, 9.500; futbol zelaiaren eta kiroldegia ireki proiektuak idazteko, 5.000. /2004-04-07



Erreka-aren gainezkabidearendako 85.000 euro inbertitzea aurrez ikusi zuten.

"Hiru plataforma handi egiteko asmoa dago erreka-aren gainean"

JOSE ANGEL ZABALO
ALKATEA
2004-04-30

IDOLAZ

Komertzioetan euskaraz egiteko kanpaina abian

Idolazek komertzioetan euskaraz bultzatzeko kanpaina jarri zuen abian; horretarako, *Hemen be euskaraz ein zeinke* dioten txarteltxoak banatu zituzten. Iazko irail-ean taldea berrantolatu zutenetik, hauxe izan zen kalera begira egin zuten lehenengo ekimena. /2004-04-02

NEKAZARI TURISMOA

Ibarre baserrian lau logela gehiago egokitu zituzten

Ibarre nekazari turismo baserrian lau logela berri egokitu eta apirilean egin zuten inaugurazio ekitaldia. Horrela, apirila ezker zortzi logela eta hamasei lagunendako tokiak dute baserri horretan; gainera, herrian ostatu hartzeko aukera eskaintzen duen toki bakarra da. /2004-04-23

ANTZUOLA
Apainketak eta isolamenduak
Pladurrezko dibisioak

Kalegoi 21 ANTZUOLA
676 997 400
Biltegia: 943 78 70 40

LEKY-BERRI MERENDEROA

Janariak eta edariak

Tf. 943 76 60 94
ANTZUOLA

MUJIKA HARATEGIA

Berezitasunak: Etxean hazitako zekorrek eta oilaskoak

Kalebarren, 1.
ANTZUOLA
Tf. 943 76 64 34

AITZ-GARBI
taberna jatetxea

Pintxoak eta kazuelatxoak.
Bazkariak eta afariak

Kalebarren 15. Tf. 943 78 70 51
ANTZUOLA

Itzar

LIBURU DENDA ESTANKOA

Zorionak guztioi!

Kalebarren 1
ANTZUOLA
Tf. 943 76 60 62

GAILUR
taberna eta gozotegia

Buztinzuri 13 ANTZUOLA
Tel.: 943 78 70 32

DEKORAZIOA

ABAD

PINTURAK
ANTZUOLA
PAPER PINTATUAK

Jose Gomez Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

INDUSTRI MANTENIMENDUA

Juan Cruz

ARGAZKIAK
Ezkontza erreportaiak
Jaunartze erreportaiak
Momentuko argazkiak
Estudioko argazkiak

BITXITEGIA
Marrokieria
Erlojuak, Bitxiak
Opari gaiak

Herriko plaza 4. Tel. 943 78 70 66. ANTZUOLA

MAIATZA



"XX. mende hasieran jaio ziren herritarrengandik garai hartako kontuak jasotzea da gure lanaren helburua"

ITZIAR ALBERDI
BADIHARDUGU ELKARTEKO
2004-05-14

ONDAREA

Mairuaren Alardearen Elkartea aurkeztu zuten hilaren 27an

Maiatzaren 27an egin zuten Mairuaren Alardearen Elkartearen aurkezpena. Udaleko, Diputazio eta Jaurlaritzako ordezkariak parte hartu zuten hantxe.

Elkarte horren helburua da alardea babestea, bultzatzea eta indarberritzea. Bestelako ondareak babesten eta zaintzen diren moduan, ohiturak ere ondarea direla adierazi ziguten elkarteko

kideek, eta alardea ohitura den heinean, babestu beharreko ondarea dela diote. Alardean herritarren parte hartzea bultzatzea da euren beste helburu bat.


Elkartea sortu zutenean, bost lagunek bakarrik ziharduten lanean. Urte luzetan alardean kapitainaren papera bete duen Jose Luis Kortabarria da elkarteko presidentea. /2004-05-21

ETXEBIZITZAK

Udal Etxegintzaren etxebizitzak eman zituzten maiatzean

Udalak bultzatutako Sagastiko etxebizitzetako jakokide gehienek maiatzeko lehenengo astean jaso zituzten giltzak. Gainerakoek maiatzean zehar sinatu zituzten eskriturak.

Aurretik, bazeuden 32 etxebizitza Udalak bultzatutakoak; guztira, era horretako 48 etxebizitza daude herrian. /2004-05-07



Sagasti auzoan daude etxebizitzok.

EKAINA



"Oso pozik nago Realean jokatzeko aukera izan dudalako"

MARKEL LETE
FUTBOL JOKALARIA
2004-06-04



"Gaztegunean, gaztetxoek proposatu eta antolatzen dituzte ekintzak"

GORETTI FERNANDEZ
GAZTEGUNEKO ARDURADUNA
2004-06-18

HIRIGINTZA

Gizarte etxea Sagastin egitea jaso zuten aurreproiektuan


Gizarte etxearendako aurreproiektua egin zuen Udalak ekainean. Bertan jaso zuten, Sagastiko zelaian egingo dute gizarte etxea eta lehen maristen eraikina zegoen tokian etxebizitzak egingo dituzte. Urtebete barru lanekin hasteko asmoa zutela adierazi zuten Udaleko arduradunek.

Aurreproiektu hori herriko hainbat auzotako bizilagunen aurrean aurkeztu jardun zuten

Udaleko arduradunek ekainean zehar.

Aurkezpen horietan azaldu zuten, gizarte etxean, besteak beste, honako zerbitzuok egongo lirake: medikuaren kontsulta, erretiratuendako lokala, zinema, kafetegia eta nagusiendako eguneko zentroa.

Kiroldegia egiteko asmoarekin ere aurrera jarraitzen dutela azaldu zuten Udaletik. /2004-06-25



Gizarte etxea Sagastiko zelaian egitea jaso zuten aurreproiektuan.

KIROLA

Denondako Kirol Jaia ospatu zuten ekainean herrian

Debagoieneko Mankomunitateak antolatuta, XII. Denondako Kirol Jaia ospatu zuten Antzuolan, ezinduendako jaia, hain zuzen ere.

Ibarreko 60 bat ezindu fisikok eta psikikok parte hartu zuten jai horretan. Helburua zen ibarreko herrietako jendeak elkar ezagutzera. /2004-06-11

KULTURA

'Zinea izarpean' programa abian jarri zuten Udalak

Zinea izarpean programa berria abiarazi zuten udarako Udaleko Kultura Batzordeak. Ekainaren 4an hasi eta uztailearen 23ra arte, ia egubakoitzero eskaini zuten film bat, frontoi txikian.

El ultimo Samurai, Love actually, Mi vida sin mi eta Dias de futbol filmak eskaini zituzten, besteak beste. /2004-06-04



Antzuolako Udalak gabon zoriontsuak eta urte berri on opa dizkizue herritar guztioi!



Antzuolako udala
www.antzuola.com

SUKALDEKO HALTZARIAK
Harizki

MUEBLES
IGEA

- Sukalderako eta bainurako altzariak
- Altzari rustikoetan espazializatuak

Zurrategi plaza 4 behea • Tel.: 943 78 71 80/Faxa: 943 78 60 24

UZTAILA



"Vilariñorekin lan egitea ikasteko aukera paregabea da niretako"

ANDOITZ PEÑAGARIKANO
VILARIÑOREN LAGUNTZAILEA
2004-07-16



"Ez da gutxi izan lehiaketako finalera iritsi izana; oso pozik nago"

BEGOÑA EGAÑA
'LA FLECHA AMARILLA'KO LEHIAKIDEA
2004-07-23

GOITB

Herriko etxe askotan GOITB ikusten hasi ziren uztailean

Ekainean jarri zuten Altzeta base-
rriaren ondoan herrian GOITB
ikusi ahal izateko antena. Gau-
zak horrela, uztailean hainbat
etxebizitzatan ikus zitekeen Goie-
na Telebista. Beste etxebizitza
batzuetan, baina, ez zegoen iba-
rreko telebista ikusteko aukera-
rik. Kontua zen antena kolekti-
boa duten etxebizitza-multzo-
tan 40. kanalerako anplifikadorea
jarri behar zela. Anplifikadore
hori jartzea ez da batere gares-

tia, batez ere, kontuan hartuta
bizilagun guztien artean ordain-
du beharrekoa dela. Hala eta guz-
tiz ere, etxebizitza-multzo batzue-
tan oraindik ez dute jarri. Antena
arruntan kasuan, berriz,
nahikoa izan zuten telebista sin-
tonizatzearekin.

GOITB herrian ikusteko auke-
rak bat egin zuen herriko jaiekin
eta jaien gaineko programa bere-
zia ikusteko aukera izan genuen.
/2004-07-16

HAURRESKOLA

Haurtzaindegia otsailean zabaltzeko asmoa azaldu zuten

Uztaileko osoko bilkuran haur-
tzaindegia eraikitzeko lanak
esleitzeko baldintza plegua onar-
tu zuen udalbatzarrak. Irailean
lanekin hasiko zirela iragarri
zuten Udaleko arduradunek,
nahiz eta azkenean abuztuan hasi
zituzten lanok. Azaldu zigute-
nez, Udalak 300.000 euro inberti-
tuko ditu lan horietan. /2004-07-09

PILOTA

Debarroko txapelketa irabazi zuten Olalde elkarteko kadeteek

Debarroko txapelketa irabazi eta
Antzuolara ekarri zuten txapela
Aitor Mendizabal eta Aitor Jau-
regi Olalde elkarteko kadete mai-
lako pilotariak; Asier Longaresek
ere parte hartu zuen txapelketa
horretan. Alebin mailako pilo-
tariak, berriz, bigarren geratu
ziren eskola arteko Debarroko
txapelketan. /2004-07-02

EUSKARA

Herriko enpresak batu ziren euskara bultzatzeko

Enpresa munduan euskara
planak indartzeko helburua-
rekin, herriko hiru enpresa
nagusietako ordezkariak
(Goizper, Elay eta Matz-Erre-
kakoek) lehendabiziko batza-
rra egin zuten. Ordura arte,
enpresa bakoitzak bere kasa
jardun zuen lanean euskara-
ren alde. /2004-07-02

UDALA

Gertu Gae-k kritikatu egin zituen proiektuak

Gizarte etxea Sagastin eta
maristen eraikina zegoen
tokian etxebizitzak egiteko
Udalak duen asmoaren aurre-
an, proiektu horiekiko desa-
dostasuna erakutsi zuten Ger-
tu Gae-ko kideek prentsau-
rrekoan. Bide batez, erreka-
ren proiektuaren gainean ere jar-
dun zuten. /2004-07-09

ABUZTUA



*"Debagoienak, Euskal Autonomia
Erkidegoko laugarren hiriak, ez du goi-
goi mailako kirol talderik"*

JOSEBA LEZETA
KAZETARIA
2004-09-03

HAURRESKOLA

Abuztuan hasi ziren eskolan haurtzaindegia egokitzen


Uztaileko osoko bilkuran onartu
zituen udalbatzarrak haurtzain-
degia eraikitzeko lanak esleitze-
ko baldintza pleguak. Lan horie-
kin irailean hasteko asmoa zuten
arren, azkenean, abuztuan ekin
zieten lanok.

Era horretan, Udaleko ardu-
radunen helburua zen ikaste-
txeko neska-mutikoez ikasturte
berriko eskolak hasi aurretik
lanik zaratatsuenak eta zikin

handiena sortzen dutenak buka-
tuta egotea.

Udalak hartu ditu bere gain
haurtzaindegia eraikitzeko
lanak; 300.000 bat euro inbertitu
ditu horretan.

Udalak jakinarazi zigunez,
euren asmoa zen haurtzaindegia
otsailerako martxan egotea.
Behin lanak amaituta, Haurres-
kolak Partzuergoak hornituko
du haurtzaindegia. /2004-09-03



Abuztuan ekin zieten lanei, eskolak hasterako lanik handienak bukatuta izatearren.



MATZ-ERREKA

Berotan estanpaturiko
torlojugintza berezia

Plastiko eraldakuntza injekzio bidez


Ibarreta z/g 20577
Antzuola
Tel. + 34 943 78 60 09
Faxa + 34 943 78 70 34



Ate eta pertsianak zabaltzeko
automatismoen fabrikazioa

<http://www.matz-erreka.com>
<http://matz-erreka.mcc.es>

IRAILA



"Uste oker asko dago oraindik yogaren inguruan: yoga ez da erlijio bat, ez da gimnasia, ez da kirola eta ez da sekta bat"

JOSE LUIS ARMENDIA
YOGA IRAKASLEA
2004-09-10

GAZTEAK

Bertso-afaria eginda ireki zituen ateak gaztetxeak

Irailaren 27an zabaldu zuten gaztetxea. Inauguraziorako ekitaldi ugari antolatu zituzten Gazte Asanbladako kideek.

Aste hartan bertan jarri zuten martxan estraktorea eta herri-tarrek emandako mahaiak eta aulkiak ere jarri zituzten.

Arratsaldean poteoa egin zuten gazteek trikitilariekin eta bertsolariekin; gauean, berriz,

bertso afaria, Xabier Silveira eta Jokin Urangarekin.

Gazte Asanbladako kideek azaldu zigutenez, oraindik erabaki gabe zuten gaztetxeak zela funtzionatuko zuen. Dena dela, gauza bat hasieratik zuten zehaztuta: nahi zuten gazte koadrila guztiek izango zituzten giltzak, baita hainbat betebeharrak ere.

/2004-09-27

FUTBOLA

Lau futbol taldeak osatzea lortu zuen azkenean AKEk

Nahiko lan izan zuten AKEko arduradunek futbol talde guztiak osatzea lortzeko. Beldur ziren ez ote zuten lortuko erregional mailako taldea osatzea; azkenean, baina, lortu zuten.

Irailan talde guztiak osatuta zituzten arren, entrenatzaileak behar zituztela adierazi ziguten zuzendaritzakoek. /2004-09-03

PRESOAK

Karmen Irizar presoak zigorraren hiru laurdenak betetzear

Irailan jakin genuen, Karmen Irizar presoak urrian beteko zituela kartzela zigorraren hiru laurdenak. Hala ere, ez zuten aske laga. Zigor osoa bete arte kartzelan jarraituko balu, 2006ko apirilean lagako lukete aske.

Martxoan ezkerro, Madrilgo atentatuaren egunetik, lehen graduan zegoen Karmen. /2004-09-17

URRIA



"Hamalau urte hauetako grabazio guztiak 60 DVDtan jasoko ditugu"

JESUS ETXEBERRIA
BIDEO-ZALEA
2004-10-01



"Gorputz espresioa landu eta lotsak alde batera lagatzen ikasiko dugu"

BEATRIZ EGIZABAL
ANTZERKI IKASTAROKO IRAKASLEA
2004-10-08

SENIDETZEA

Aiherra eta Antzuola lotu zituen Lasterkaldiak urrian

Aiherra eta Antzuolaren arteko harremana hasi zeneko hogeigarren urteurrena betetzen zela eta, Lasterkaldia antolatu zuten herri bietako herri-tarrek. Urriaren 29an Aiherran hasi eta hurrengo egunean Antzuolan amaitu zen korrikaldi hori.

Lasterkaldia hasi aurretik, bi herrien arteko senidetzearen hitzarmen ofiziala sinatu zuten Aiherran, Jose Angel Zabalo

Antzuolako alkateak eta Jean Paul Basterretxe Aiherrako auzapezak.

Guztira, 150 kilometro egin zituzten korrikalariak; ondoren, Antzuolan hainbat ekitaldi izan genituen. Herriko plazan izan ziren lehenengo ekitaldiak: lekukoan zetorren idatzia irakurtzea, bertsolariak, jolasak... Ondoren, herri bazkaria egin zuten herriko frontoian. /2004-11-05



Andre Martinon aihertarra eta Eukene antzuolarra, lekukoarekin.

BIZTANLERIA

Herria 2.000 biztanle izatera iritsi zen berriro urrian

Urrian 2.004 biztanle izatera iritsi zen Antzuola; horixe da azkeneko hamar urteotan herriak izan duen biztanle kopuru handiena. Maite Solaun bergararra izan zen bi milagarren biztanlea, eta hainbat oparirekin eman zion ongi-etorria Udalak; Antzuolaren gaineko liburu, bideo eta eskuorri sorta batekin. /2004-10-01

EUSKARA

Euskararen Erabilera Normalizatzeko Plana onartu zuten

UEMAk Antzuolako Udalaren dako egindako Euskararen Erabilera Normalizatzeko Plana onartu zuen udalbatzarrak urriko osoko bilkuran.

Helburua lortzeko hiru ildo zehazten ziren: herritarrekiko, beste administrazioekiko eta barruko harremanetarako hizkuntza euskara izatea. /2004-10-15

EGAÑA

Era guztietako arotz lanak

Tarima eta parketa jartzea
Zoruen kutxilatua eta barnizatuak

Kalegori 21, ANTZUOLA Tel.: 943 76 64 23

LARREA

TABERNA

Kalebarren 17
ANTZUOLA

ELAY Taldea

Zorionak eta urte berri on!

▶ margo orokorra
 ▶ margo dekoratiboa
 ▶ umeentzako dekorazioak
 ▶ feng shui estudioak
 ▶ bidrierak

Gabon zoriontsuak
Antzuolarroil

Sagasta auzoa Z^a 5-3D
20577 ANTZUOLA-HERNANI
Tel.: 943 76 62 13
665 733 955
687 570 777

Ainhoa

drogeria

ONDO IBILI GABONETAN!

Kalebarren 13, ANTZUOLA

OKINDEGIA
GOXOTEGIA
DAZTAKETA
KROISSANTEGIA

ONDO PASAU GABONETAN!


Kalebarren 18. 943 76 62 94

AZAROA



"Hasieran uste genuen baino jende gehiago ibiltzen da gaztetxean"

TXOMIN ALBERDI
GAZTE ASANBLADAKO KIDEA
2004-11-05



"Kulturalki, gure herria da Euskal Herria; politikoki, Nafarroa"

ERLANTZ URTASUN
NABARRALDE ELKARTEKO KIDEA
2004-11-12

ELKARTASUNA

Kongorako dirua batu zuen Anelkarrek Elkartasun Festan


Elkartasun Festa egin zuen Anelkarrek azaroaren 27an, Kongorako dirua batzeko. Kongoko Kansenia herrian eskolak egiteko eta hango umeei ikasturtea ordaintzeko erabili zuten Elkartasun Festan batutako dirua.

Bittor eta Andres Arbulu berriro egon dira Kansenian aurtengo udan. Han ateratako argazkiak erakusgai jarri zituzten Zurrategi plazan, eta bi anaiak hantxe egon ziren, nahi zuten

herritarrei azalpenak emateko.

Azkeneko urteotan, urtero egon dira Kongon Andres eta Bittor; lehenengo, Kansenia herrira ura eramateko azpiegiturak egiten ibili ziren. Orduan, horretarako batu zuen dirua Anelkarrek.

Argazki erakusketaz gain, Bidezko Merkataritzako postua, trikitilariak, umeendako jolasak eta pintxoak eta txokolatea egon ziren. /2004-11-26



Batutako dirua Kansenian eskolak eraikitzeko izan zen.

KULTURA

Antzuolaren gaineko bideoa aurkeztu zuten

Barne-barnetik herriaren gaineko bideoa aurkeztu zuten azaroaren 14an. Herriaren historia, ondarea, kultura eta ohiturak azaltzen zaizkigu ikus-entzunezko horretan; baita urte oso baten herrian izandako gertaera adierazgarrienak ere. 12 euroan jarri zuten salgai. /2004-11-12

PAUSOKA

Batzordekide berriak aukeratu zituzten azaroan

Urteko batzar orokorrean, batzordekide berriak aukeratu zituen Pausokak; honako hauek, hain zuzen ere: Iñigo Irizar, Mari Karmen Iturbe, Junkal Bakaikoa, Yolanda Miner eta Garbiñe Lizundia. Beste bost batzordekidek, berriz, laga egin zuten Zuzendaritza Batzordea. /2004-11-26

ABENDUA



"Askotan lan haundixagria hartzen dogu ingurukuen bizitza kontrolatzen geuria hobetzen saiatzen baino"

ALAITZ JAUREGI
LANGILEA
2004-12-03

HAURTZAINDEGIA

Haurreskolak Partzuergokoak bisitan izan ziren eskolan

Haurreskolak Partzuergoko arduradunak haurtzaindegiko lanak ikusten egon ziren; eurekin batera egon ziren Udaleko eta Herri Ikastetxeko arduradunak ere. Partzuergoko arduradun Maite Larrañaga; Gipuzkoako koordinatzaile Xabier Otaegi; haurtzaindegiaren proiektuan aholkularitza lanak egin dituen Juanjo Kintela pedagogo eta Juan Antonio Rico proiektuaren eta lanen zuzendaria egon ziren

Antzuolako haurtzaindegia izango dena ikusten.

Azkeneko ukituak besterik ez zitzaizkien falta haurtzaindegia egokitzeko lanei. Hormak margotzea, besterik ez. Hortxe bukatzen dira Udalaren eginbeharrak; haurtzaindegiko altzariak eta materiala jartzea eta eskolaren kudeaketa, Partzuergoaren eginbeharrak izango dira. Haurtzaindegia otsailean zabaltea espero dute. /2004-12-03



Partzuergoko, Udaleko eta Herri Ikastetxeko arduradunak.



IGELTSEROTZA

Jose Luis Zabalo



Kalegoi 9, 1. solairua
ANTZUOLA.

Tel./Faxa: 943 76 60 89

ZAHAR BERRITZEAK:

Fatxadak
Bainugela eta sukaldea
Lokal komertzialak
Teilatuak

**Eta orain....
GREMIOEN
KOORDINAZIOA**



Bidea eginez

Tailerra: Uzarraga bidea, 10. Antzuola. Tf. 943 78 71 78
Erakusketa: Kalebarren, 1. Antzuola. Tf. 943 78 71 79, Tf. eta F. 943 76 64 73

- Gasa
- Berogailuak
- Haire egokitua
- Enpresen mantenimendua
- Lurrin instalazioak

- Bero-aurrezteak
 - Bainugelak. Proiektuak momentuan DIBaren bidez
 - Birgaitze-espeditentak bideratzen ditugu
- Gabon zoriontsuak igaro!



Antzuolako euzko alderdi jeltzaleak, gabon zoriontsuak opa dizkizu, eta urte berrira begira zure ilusio eta nahiak, bete daitezela.



Langela: Kalebarren 4
Saltokia: Herriko plaza
943 76 64 35
ANTZUOLA

Urte berri on antzuolar guztioi!

ESPEZIALISTA BATEN BERMEAREKIN

GOIZPER KOOP. ELK.

MATABI IHINZTAGAILUAK

- NEKAZARITZAN, LORATEGIAN, INDUSTRIAN ETA ETXEAN TRATAMENDUA EGITEKO IHINZTAGAILU ETA HAUTSEZTAGAILUAK.

GOIZPER TRANSMISIOAK

- ENBRAGEAK, BALAZTAK
 - PNEUMATIKOAK
 - HIDRAULIKOAK
 - MEKANIKOAK
 - ELEKTROMAGNETIKOAK
- ESPEKADUN ETENKAKO BIRAGAILUAK
- ESPEKA BEREZIAK

ANTIGUA 4 - 20577 ANTZUOLA (Gipuzkoa)
211 POSTA KUTXATILA - 20570 BERGARA
TEL.: 943 786000
FAXA: 943 766008 - 943 787095
E-MAILA: goizper@goizper.com
Web gunea: www.goizper.com



HIRU

AROSZTEGIA



ATEAK • LEIHOAK • ZORUAK • HORMA ARMAIRUAK

